



Broj: 05-04-20-649-5/24  
Maglaj, 07.03.2025. godine

Na osnovu člana 24. stav (1) tačka a) i 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-649-3/25 od 06.03.2025. godine, u postupku javne nabavke „Izvođenje dodatnih radova na izgradnji Ulice Srebreničkih žrtava rata, od P14 do P31, L=283m - završetak“, Općinski načelnik donosi

## O D L U K U

o izboru najpovoljnijeg ponuđača

### I

Prihvata se preporuka Komisije za javne nabavke i ugovor za izvođenje dodatnih radova na izgradnji Ulice Srebreničkih žrtava rata, od P14 do P31, L=283m dodjeljuje se ponuđaču/kandidatu „**Hajdić**“ d.o.o. Maglaj, u skladu sa ponudom broj 03/25 od 05.03.2025. godine, po ukupnoj cijeni od **25.564,98 KM bez PDV-a, odnosno 29.911,03 KM sa PDV-om.**

### II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka ima se objaviti na web stranici Općine Maglaj, u skladu sa članom 70. stav (6) Zakona o javnim nabavkama.

## O b r a z l o ž e n j e

Odlukom o pokretanju postupka, broj 05-04-20-649/25 od 03.03.2025. godine, pokrenut je postupak javne nabavke „Izvođenje dodatnih radova na izgradnji Ulice Srebreničkih žrtava rata, od P14 do P31, L=283m – završetak“, putem pregovaračkog postupka bez objave obavještenja o nabavci sa jednim kandidatom – dobavljačem s kojim je zaključen osnovni ugovor, u skladu sa odredbom člana 24. stav (1) tačka a) Zakona.

Predmetni postupak je, u skladu sa svojim nadležnostima, provela Komisija za javne nabavke imenovana Odlukama br. 05-45-1-874/24 od 22.05.2024. godine i 05-45-1-874-1/24 od 12.09.2024. godine (u daljem tekstu: Komisija). Komisija izvršila otvaranje, pregled i ocjenu pristigle ponude, prema zahtjevima i kriterijima iz tenderske dokumentacije, o čemu je sačinila odgovarajući zapisnik, u skladu sa članom 65. stav 2. Zakona o javnim nabavkama

Komisija je utvrdila da zaprimljena ponuda ispunjava zahtjeve u pogledu forme, predmeta nabavke, kvalifikovanosti ponuđača i ostalih uslova traženih tenderskom dokumentacijom. Također je utvrdila da vrijednost ponude nije veća od procijenjene vrijednosti nabavke, odnosno da ne prelazi zakonski prag od 20% vrijednosti osnovnog ugovora, propisan za nabavku dodatnih radova.

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku dodatnih radova na izgradnji dijela Ulice Srebreničkih žrtava rata, od P14 do P31, L=283m – završetak dodijeli ponuđaču "Hajdić" d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 06.03.2025. godine.

U postupku donošenja ove odluke, posebno su cijenjene činjenice da je komisija, sastavljena od stručnih lica, pravilno i potpuno izvršila ocjenu kvalifikovanosti kandidata, te ocjenu pristigle ponude, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu komisije, koji bi eventualno bili osnov za neprihvatanje date preporuke dodjelu ugovora. Uvidom u priloženu dokumentaciju, utvrđeno je da je komisija u svemu pravilno postupila, te da je pozvani ponuđač/kandidat dostavio prihvatljivu ponudu, te da je postupak izbora u konkretnom slučaju izvršen u potpunosti u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 24. stav (1) tačka a) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

**DOSTAVLJENO:**

1. Kandidat – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

